



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

II. Othonem I. non autem Henricum aut Chunradum, Imperatorem primum
ex gente Saxonum fuisse demonstrat.

[urn:nbn:de:hbz:466:1-53860](https://nbn-resolving.de/urn/resolver.pl?urn=urn:nbn:de:hbz:466:1-53860)

CAPVT II.

Othonem I. non autem Henricum aut Chunradum Imperatorem primum ex gente Saxonum fuisse demonstrat.

RIMVM igitur, Heinricum patrem Othonis Regem tantum, non Imperatorem fuisse, refutet. Ipse idem Henricus, qui Regio nomine contatus, insignia, appellationsque cæteras, necnon vñctionem & coronationem sponte recusauit, vt custos Imperij potius, quam Imperator dici possit. Vitichindus, qui hius Heinrici tempore vixit, lib. i. gestorum Saxoniorum, hoc ipso Heinrico ita loquitur: *Cumei offerretur vñctio eius diadema te à Summo Pontifice*, qui eo tempore Herigerus erat, non spretit, nec tamen suscepit. satis, inquiens, mihi est, *Et pra meis maioribus Rex dicar & designar, diuina annuntiatio gratia, ac Gestra pietate: penes meliores verò nobis vñctio & diadema sit: tanto honore nos indignos arbitramur.* Hæc Vitichindus, quem sequutus Abbas Urspergenfis in Chronico anni DCCCC. XX. Heinricus, inquit, renuit diadema & vñctionem, solo nomine Regis contentus. Albertus Krantzius lib. 3. Saxoniarum cap. 2. Heinricus, inquit, Dux Saxoniarum, primus ex ea familia ad Romani regni culmen ascendit, quod ea dominus per aliquot continuata sæcula perseveranter seruavit, in contextu docebimus, cui, si in Italianam prædecessorum more venire dignaretur, diadema cum consecratione ad Imperatoriam dignitatem Ioannes eius nominis X. Summus Pontifex reprobavit. Heinricus autem satis sibi videri responderet, quod primus ad regni culmen immeritus peruenisset: diadema Imperij maioribus debitū: se nihil ambire supra id quod accepisset, etiam sic maiora, quam obire posset, sustollentem onera. Habeamus igitur in primis Heinrici ipsius ingenuum planeque Germanicum testimonium.

Sed accedant 2. loco sequentium Principum, eiusdem nominis testimonia. nam (vt Onuphrius Panuinus testatur in libro de comitiis Imperatoriis, sanctus Heinricus Chunradus, & tres alij Heinrici, qui post Othonem III. imperarunt, in

in diplomatis suis ita nomina sua inscribunt, ut nullo loco Chunradum & Heinricū, qui ante Othones regnarunt, inter Imperatores habuisse videantur. non enim se scribunt Chunradum II. & Heinricos II. III. IV. V. sed Chunradum I. & Heinricos I. II. III. & IV. quibus etiam numerorum notis distingui sepulchra Chūradi, & posteriorum trium Heinricorum, quæ adhuc Spiræ exstant, idem Onuphrius testis est: vt iam non leuis temeritas eorum esse videatur, qui contra ipsa Imperatorum diplomata, & literas in monumentis ante tot annorū centurias incisas Chūradum I. & Heinricum I. Secundos; nec nō Heinricum II. III. & III. IV. & IV. V. appellandos esse contendunt. De Ludouicis autem res adeò manifesta est, vt non possit Illyricus Ludouicum, Arnulphi Imperatoris filium, qui corona Imperij caruit, inter Imperatores numerare, quin sibi ipse repugnet. nam si is Ludouicus Imperator fuit, necesse est vt quartus fuerit. tres enim ante ipsum Ludouici præcesserat, senior, iunior, & Balbus: at si quartus est Arnulphi filius, quia ratione Ludouicus Bauarus & se ipse quartū, non quintum, in omnibus suis diplomatibus vocat; & quartus, nō quintus, ab omnibus auctotibus, & ab ipso Illyrico in hoc libro de translatione Imperij, aliquoties appellatur? Quod si Ludouicus ille ē numero Imperatorum eximitur, quia corona, & vnitio Apostolica caruit, licet alioqui de stirpe Caroli, & filius Imperatoris fuerit: quanto magis Heinricus Saxo ex Imperatorum numero eximendus erit, qui nihil horum habuit, & coronam, ac dignitatem Imperatoriam recusauit.

Accedant postremò testimonia etiam veterum grauissimorumque Historicorum. Lambertus Schaffnaburgensis in historia Germanica, Anno, inquit, M. XXIV. Heinricus II. Rex, primus Rex Imperator obiit. Vbi vides, Lector, Lamberti Historici grauissimi, & Germani, & qui illo ipso seculo flouruit, iudicio, Heinricum I. Regem tantum; secundum autem, Regem & Imperatorem fuisse. Regino & Sigebertus nō dissentunt à Lamberto: siquidem tres illos Reges, Ludouicum Arnulphi Imperatoris filium, Chunradum, & Heinricum, qui coronam Imperij à Romano Pontifice non habuerunt, nunquam Imperatores, sed perpetuò Reges vocant, cùm tamen præcedentes, & sequentes Reges, qui à Romano Pontifice

d d d d 2

fice

sice coronati fuere, Imperatores semper appellant. Otho Frisingensis pluribus in locis sententiam nostram aperte confirmat. Sed antequam verba illius ponam operæ pretium esse duxi, Lectorem præmonere, quod Otho Frisingensis scribit, & sæpe repetit, virtute Othonis I. Imperium transisse ad Francos Orientales, non sic esse accipendum, quasi Otho I. sine Pont. Max. auctoritate Imperium obtinuerit. id enim paulò post apertissimis argumentis refutabitur. Id igitur solum Otho Frisingensis significare voluit, in Othonel. translationem factam esse Romani Imperij ab Occidentalibus Francis ad Orientales. eius autem translationis causam fuisse virtutem eiusdem Othonis, qui & à Pontifice Summo promotionem ad eam dignitatem facile promeruit, & armis hostes Imperii fortissime domuit. Ille igitur sic loquitur lib. 6. hist. cap. 17. Ei hinc (inquit) quidam post Francorum regnum supputant Teutonicorum. vnde filium Othonem in decretis Pontificum Leonem Papam, primum Regem Teutonicorum vocasse dicunt. nam iste, de quo agimus, Henricus, oblatam sibi à summo Pontifice dignitatem renuisse perhibetur. Et infra, Otho, inquit, qui Imperium à Longobardis usurpatum deduxit ad Teutonicos Orientales Francos, forsitan dictus est primus Rex Teutonicorum; non quod primus apud Teutonicos regnauerit, sed quod primus post eos qui à Carolo Carolingi, sicut à Meroueo Merouingi, dicti sunt, ex alio, id est, Saxonum sanguine natus, Imperium ad Teutonicos Francos reuocauerit. Et cap. 22. vbi narravit coronationem Othonis Romæ celebratam, ita subiungit: Ex hinc Regnum Romanorum post Francos, & Longobardos ad Teutonicos, vel, vt aliis viderunt, iterū ad Francos, vnde quodammodo elapsum fuerat, translatum est. Et cap. 24. Hic, inquit, est Otho, qui post multas victorias Græcos quoque in Apulia & Calabria superauit, ac Imperium Romanorum virtute sua ad Fracos Orientales reduxit. Et paulò antè: Vide, inquit, regnum Teutonicum cum regno Francorum affine & quodammodo cognatum principium habere. ibi primùm Carolus (Martellus) sine Regis nomine honorem Regis gerebat: hic Magnus Otho Saxonum Dux (Othonis Imperatoris avus) Regibus adhuc ex stirpe Caroli manentibus, regni summam administrabat. Illius filius

Pipi.

Pipinus non solum re, sed etiam nomine Rex cœpit esse, & dici. huius simili modo filius Henricus Regis nomine meruit honorari. illius filius Carolus Magnus non solum regnum, sed etiā Imperium capto Desiderio primus obtinuit ex Francis. istius filius Otho Magnus post multos triumphos, primus ex Teutonicis post Carolos capto Berengario Romanis imperavit. Hæc ille.

Neque ab hoc numero veterum Historicorum separadus est Luithprandus Diaconus his omnibus antiquior. siquidem ipse lib. 6. cap. 6. cùm Othonem I. ante coronationem Imperialem piissimum Regem tantum, deinde autem etiam Imperatorem Augustum fuisse dicat, manifestè significat, Heinricum Othonis patrem, qui coronatus nunquam fuit, Imperatorem nunquam fuisse. Philippus Bergomensis lib. 11. supplementi Chronicorum, apertè docet, à Ludouico Arnulphi filio vsque ad Othonem I. non fuisse in Germania Imperatores, sed Reges duntaxat. deinde lib. 12. addit in Othonem I. Imperium Germanis iterum restitutum. Lupoldus quoque in libro de Iuribus Imperij cap. 2. & 5. vt ipse Illyricus citat pag. 105. Othonem Imperatorem I. ex gente Saxonum facit.

Addamus si placet etiam testimonium Cuspiniani, quoniam eo auctore Illyricus mirificè delectari videtur. Othonem (inquit Io. Cuspinianus in vita eiusdem Othonis) plerique scriptores primum Germanorum Imperatorem numerant, quod Imperium à iusta sobole agnationeque Caroli Magni ablatum, primus hic Otho iustus princeps, vir belli pacisque insignis, recuperauit Pontificis Maximi auctoritate. Habemus igitur testimoniis Historicorum, Principum, & ipsius Heinrici patris Othonis, non Heinricum patrem, sed Othonem filium Imperatorem primum ex gente Saxonum fuisse. quod etiam cognomen Magni satis apertè significare videtur. nam propterea inter omnes Imperatores Occidentis soli Carolus & Otho Magni cognomen

inuenierunt, quod ille ad Francos,
iste ad Saxones, Imperij Romanici decus attulerit.

dddd ;

CAPVT